


૩૦

# BHASHA TURNI

## PADYAM-VYAKARANAM BHAG

Book I

PUBLISHED BY



**SRESHTHA SOURASHTRA SAHITHYA SABHA.**

Regd. S. C. No. 36 of 1975

**MADURAI-1.**



[www.sourashtralibrary.blogspot.com](http://www.sourashtralibrary.blogspot.com)

# பரஸ்தாவு

அம்ரெ ஸபா<sup>4</sup>ம்ரீ: சல்தகெர்லேத் ஸேத்திஸா  
“பா<sup>4</sup>ஷாதுர்னி” பரீக்ஷைத் ஸ்ரீராமாராய் ஸௌராஷ்ட்ர  
வாசகம் பை<sup>2</sup>ல புஸ்தவுகின் ஈ பத்<sup>3</sup>யம் வ்யாகரணுபா<sup>4</sup>க்<sup>3</sup>  
பாட<sup>2</sup>முன் (Syllabus) ஹோஸு.

ஸௌராஷ்ட்ர பா<sup>4</sup>ஷொ ஸௌராஷ்ட்ர லிபிர்  
லிக்கன் ஸிக்குனாத்தெ அஸ்கி வொயஸ்கெரின் மெள்ளி  
அம்ரெ பா<sup>4</sup>ஷரு வ்யாகரண ஸுத்<sup>3</sup>த<sup>4</sup>ங்கன் லிக்கத்தகு  
ஹெது ஹொனெ; அங்கு<sup>3</sup>ன் ஏலெங்க<sup>3</sup> அம்ரெ பா<sup>4</sup>ஷா  
ஸாஹித்யமுன் ஜு<sup>2</sup>குயொ தமிழ் அக்ஷருமு உச்சாரண  
பே<sup>4</sup>து<sup>3</sup>ன் தெ<sup>4</sup>ரி அங்கென் (எண்கள் -- 2, 3, 4) ஸெந்த  
நிம்பயிரேஸ்; திஸா ஸாஹித்யமுன் மந்து நீ:த்தொ  
செவ்தி<sup>3</sup> இக<sup>3</sup>த்தெங்கொ ஹேதுகன் ர:னெமெரி  
ஈ பத்<sup>3</sup>யம் வ்யாகரணு பா<sup>4</sup>க்<sup>3</sup> அங்கென் மிளெ தமிழ்  
அக்ஷரும் நிம்பினி பொடெ<sup>3</sup>ஸி.

ஸௌராஷ்ட்ர லிபிமுஸ் நிம்பத்தகு ஹொயே ‘நிம்பினி  
அக்ஷருன்’ (Types) ஜனிதகி<sup>3</sup>ன் நெஷ்டி கெர்ரியொமெளி  
எக ஒண்டொ காரண ஹோஸு. நொவ்வொகன்  
‘ஸௌராஷ்ட்ர நிம்பினி அக்ஷருன்’ கெரன் லெந்து இஸக<sup>3</sup>  
பா<sup>4</sup>ஷாபி<sup>4</sup>வ்ருத்<sup>3</sup>தி<sup>4</sup> கெரத்தெ லானி மெனன் ஹட்வன்  
ஸெந்த கெர்ரிய ஈகாம் அஸ்கிஜென ஆத<sup>3</sup>ரொ மிளைமெரி  
நொம்மராஸ்

ஈதா<sup>4</sup>னுகு.

ஸ்ரேஷ்ட<sup>2</sup> ஸௌராஷ்ட்ர ஸாஹித்ய ஸரி<sup>4</sup>குன்

## இ௦

ஸௌராஷ்ட்ர “பா<sup>4</sup>ஷா துர்னி” பரீக்ஷா  
பத்<sup>3</sup>யம், வ்யாகரணு பா<sup>4</sup>க்<sup>3</sup>.

### 1. ஸரஸ்வதி ஸ்து<sup>2</sup>தி

ஹுஜாஸ்வஸ்தர்பி<sup>2</sup>ல்லி ஹுஜாஸ் ஸொம்முன் க<sup>4</sup>ல்லி  
ஹுஜாஸ் த<sup>3</sup>மர் பூ<sup>2</sup>லும் பி<sup>3</sup>ஸிரிஸ்தெ மாயி  
ஹுஜாஸ் உஜாடி<sup>3</sup> மொன்னும் ஹொல் லொ பு<sup>3</sup>த்<sup>3</sup>தி<sup>4</sup>யுத்தின்  
ஹொங்க<sup>3</sup>வ் னாஸ்தெ தெளிவ் தீ<sup>3</sup>கின் கபாடி<sup>3</sup>  
புஜான் நிச்சுகருஸ்தொகொ பூ<sup>2</sup>ல் அர்ச்சனொ ஸெந்தோ  
பு<sup>3</sup>த்<sup>3</sup>தி<sup>4</sup>ம் அவி கொ<sup>2</sup>ப்<sup>3</sup>பி<sup>3</sup>ம் ர:னொ ஸே தூ மாயி  
நிஜானந்து<sup>3</sup> வித்<sup>3</sup>யானு நீ:ஸ்தக் ரி:யேத் ஏடா<sup>2</sup>ம்  
நிம்மள் நீ: ஹாலிம் ஏதீ<sup>3</sup>கின் கபாடி<sup>3</sup>.

### 2. ஸௌராஷ்ட்ர நீதி ஸம்பு<sup>3</sup>

1. ஸ்ரீமந் நாராயண வன்னோ  
வந்தி<sup>3</sup>ன் லிக்குஸு தீ<sup>3</sup>ஸிரின்  
ஜுட<sup>3</sup>த்திஸொ யிக<sup>3</sup>த் தெங்கொ  
ஸௌராஷ்ட்ர நீதி ஸம்பு<sup>3</sup>னுன்.
2. லோகும் கொ<sup>2</sup>வ்ளொ ஸொகந்தே<sup>3</sup>வு  
லைடொ<sup>3</sup> க<sup>2</sup>ள்யவ்ன ரக்ஷவெனு  
ப<sup>4</sup>க்துனுக் மதிமெக்<sup>3</sup> தே<sup>3</sup>ஸு  
ரக்ஷுல்னொ தெகஹால் தெனு.
3. தை<sup>3</sup>வத்த னொண்டயோஸ் பு<sup>2</sup>ர்ன  
மெனிக்யத்தன் மிளின் ஹொனொ  
தி<sup>3</sup>ய்யொ மிள்ளுத்தொ காமஸ்கொ  
ஹொனகை பூர்த்தி ஸத்தம.

4. தை<sup>3</sup>வத்த னவி னப்லானும்  
மிளமெனி ஸு<sup>3</sup>தி<sup>3</sup>ன் ஸதா<sup>3</sup>  
ஹட்வினின் கோ<sup>3</sup> மெனிக்யத்தன்  
கெர்லஸுன் கரெ ஹோஸ்திஸெர்.
5. தை<sup>3</sup>வத்தன் பீ<sup>3</sup>ஸெரகன் மென்னே  
மெனிக்யத்தன் பு<sup>4</sup>ஞீ ஸெரகன்  
பு<sup>4</sup>ஞ்பீ<sup>3</sup>ன் மிளேத்ன ஹோஸ்ஸஸ்யொ  
தி<sup>3</sup>ய்யொ மிள்ளுத்தொ ஹோன கை.
6. தை<sup>3</sup>வத்தன் தே<sup>3</sup>ன போ<sup>2</sup>ளஸ்கொ  
மெனிக்யத்தன் ஸொடே<sup>3</sup>த் ஸதா<sup>3</sup>  
பீ<sup>3</sup>நீ:த்தொ பு<sup>4</sup>ஞி கோ<sup>3</sup>ரா:ஸு  
பீ<sup>3</sup>க<sup>4</sup>ல்னத்தொ ஹொடை<sup>3</sup> கிஸெர்.
7. பீ<sup>4</sup>கு<sup>3</sup> மைனாத்தொ ஹோ இந்த்<sup>3</sup>கு  
அபுல் ஸ்ரமொ தொகன் மிளெ  
ப<sup>4</sup>ஜ்ஜிதிகை<sup>2</sup> ஜிவேத் நிம்மன்  
க<sup>3</sup>ரன்ஸெ தெங்கொ கொ<sup>2</sup>ப்<sup>3</sup>பி<sup>3</sup>கு
8. பீ<sup>4</sup>கு<sup>3</sup> மைனாத்தபுல் கொ<sup>4</sup>ம்மொ  
ப<sup>4</sup>ஜ்ஜிதிகை<sup>2</sup> ஜிவேத் ப<sup>3</sup>ர  
ஸெஜ்ஜகே<sup>4</sup>ருஜ்ஜெமன் மென்தின்  
ஜெமேதெளமானுஜை தெகொ.
9. வேது<sup>3</sup>ன் படி<sup>2</sup>னி ஸாஸ்த்ராதி<sup>3</sup>ன்  
தீர்த்துனும் பு<sup>3</sup>ண்ணி கோ<sup>3</sup>ளுனும்  
ஹோ ரஜா ஸெத்து வத்தாரு  
ஸமான்கீ நா:நகீ கிஸெர்.
10. ஸம்ஹீர்னுகு ஹிரோஸ் லானி  
ஸம்ஹிரானுக் க்ரதூஸ் ப<sup>3</sup>ர  
ஸம்யாரு<sup>3</sup>னுக் பெ<sup>3</sup>டோஸ் லானி  
ஸம்பெ<sup>3</sup>டானுக் திபூ<sup>3</sup>ஸ் ப<sup>3</sup>ர.

11. ஸஸரஸ்வ க்ரதுன் ஜோகும்  
ஸெத்து து<sup>3</sup>ஸ்ர தெ<sup>4</sup>டா<sup>3</sup>ம்தொ<sup>2</sup>னி  
ஜோகே<sup>3</sup>த் ஸஸர் கொ<sup>4</sup>டா<sup>3</sup>யாகு<sup>3</sup>ன்  
ஹஸ்வஹோஸ் ஸெத்து ஸொம்மரு.

12. ஸெத்துக்ஸமான் தெ<sup>4</sup>ரும் ஜுண்ண  
ஸெத்து ஸொம்மரு ஸ்ரேஷ்டு<sup>2</sup>நீ:  
ஸெத்துநீ:னும் பொ<sup>4</sup>வே பாபுன்  
ஸெத்து ஸேத்தெகொ ஸேக<sup>3</sup>ரன்.

3. ஸ்ரீமத்ஸௌராஷ்ட்ர ஸங்கீ<sup>3</sup>த ராமாயணு  
வீஸ்வாமித்ரவி-ஸ்ரீராமுக் தா<sup>4</sup>ட்<sup>3</sup>மெனி பெள<sup>3</sup>னீ

ஸ்லோகு

ர:தாவி கா<sup>3</sup>தே<sup>4</sup>யு — ரஜாக்ஸெயீமேட்  
க்ருதார்து<sup>2</sup> கர்னோ மொரொ யாக்<sup>3</sup>கராடி<sup>3</sup>  
துஷ்<sup>3</sup>காரினுக் ஸம்மரி நிஷ்களங்குர்  
ராமா:ல் ஹோயீ யைதி<sup>3</sup>கு கா<sup>3</sup>ரி ஹோரு.

த<sup>3</sup>கு-மோஹனராகு<sup>3</sup>-அடதாளு சாபு

பல்லவி

தா<sup>4</sup>டி<sup>3</sup> ஸ்ரீராமுக் — மொரொஸர அத்த  
— தா<sup>4</sup>டி<sup>3</sup> ஸ்ரீராமுக்

அனுபல்லவி

ஸோடி<sup>3</sup>ஸம்ஸ த<sup>3</sup>ஸரத்<sup>3</sup>ராட்-சௌது<sup>3</sup>லோக்  
பாலஸ்திஸாமேட் (தா<sup>4</sup>டி<sup>3</sup> ஸ்ரீராமுக்)

சரணுனா

1. த்ரிஸனிகு ஸைலா — புஸனிகு பெள<sup>3</sup>லா

திஸாக<sup>3</sup> நீ:ஜ்ஜனீகுதாநா:ஸ் -

கிஸாமரு ஸத்ருனுகா<sup>2</sup>லு(தா<sup>4</sup>டி ஸ்ரீராமுக்)

2. நார்க<sup>2</sup>னீஸ்தரீ யோகு - நஸிஸி மொர் யாகு<sup>3</sup>  
வர்க<sup>2</sup>னீஸொகொ தாடகீகு -  
வது<sup>4</sup>னொஹால் ஜனிவே கு<sup>3</sup>(தா<sup>4</sup>டி<sup>3</sup>ஸ்ரீராமுக்)
3. ஸுருனுகுப் காரு - கரநொ:ய்பெ<sup>4</sup>ள் தீ<sup>4</sup>ரு  
மரெனஸம்ப<sup>3</sup>ருகு தெ<sup>2</sup>ப்<sup>3</sup>ப<sup>3</sup> -  
தருனுமுஸை மொரொ ஸோரு  
(தா<sup>4</sup>டி<sup>3</sup>ஸ்ரீராமுக்)
4. வீரவெத்ப்ர ப<sup>3</sup>லூ - விஸ்வாமித்ர புலூ  
கா<sup>3</sup>ரிருதூகரெஸத்ஸு - க்ருதுநா: லோ: ஸுஸப<sup>2</sup>லூ  
(தா<sup>4</sup>டி<sup>3</sup>ஸ்ரீராமுக்)

#### 4. ஸ்ரீமந் நடன கோ<sup>3</sup>பாலநாயகி ஸ்வாமின் நாமாவளினு

1. த<sup>4</sup>மொரேஸ் தி<sup>3</sup>ன்னுன் த<sup>4</sup>மரேஸி  
தா<sup>4</sup>க் நீ:ஸ்தெனு மோஸ் ஜாரியாஸி  
தா<sup>4</sup>க் த<sup>4</sup>க்யாஸ்தெனுஸ் த<sup>4</sup>ன்யுடு<sup>3</sup> ஹோரியாஸ்  
தா<sup>3</sup>மோத<sup>3</sup>ரா தா<sup>3</sup>மோத<sup>3</sup>ர தொர த<sup>3</sup>ய  
கோன்கலமவை தா<sup>3</sup>மோத<sup>3</sup>ர (த<sup>4</sup>மொ)
2. கந்தொ<sup>3</sup> லொஸன் முளொ ஹந்த<sup>3</sup>னூஸ் ஹோனா  
ஹந்தொ<sup>3</sup> கஸ்தந்து<sup>3</sup> கோ<sup>3</sup>விந்தா<sup>3</sup>க் ஆனந்த<sup>3</sup>ம்  
ஹோய்  
ஹிந்த<sup>3</sup>ரெ:ய்ஸொட்<sup>3</sup>டு<sup>3</sup>வொ மந்த<sup>3</sup>ம் கொ<sup>3</sup>ரு  
தா<sup>3</sup>த்  
நந்த<sup>3</sup>கோ<sup>3</sup>பாலுக் பொந்தை<sup>3</sup> காயி தா<sup>3</sup>த்  
தெந்து<sup>3</sup>ஸ் மெள்ளொ ஸங்கே<sup>3</sup>னா கஞ்ஜி  
பெ<sup>4</sup>ப்ளொ ஸெவ்கா ஜா<sup>2</sup>ட்ஹோனா மெனி.

3. கௌ<sup>3</sup>னிம் ஸேஸ்தெ ஸுக<sup>2</sup>மு  
 லௌநிம் ஜாஸ்தெ ஹக<sup>3</sup>மு  
 ஸெரிர் க<sup>2</sup>ட<sup>3</sup>ஸ்தெ து<sup>3</sup>க்குமு பி<sup>2</sup>ரி அவ்னா மொகாமு  
 மோக்ஷி மொர்தா<sup>2</sup>மு ஸாக்ஷி ஹ்ரிராமு.

## 5. ஸொராஷ்ட்ர நந்தி<sup>3</sup> நிக<sup>4</sup>ண்டு

1. ஐஸ்வர்ய நாவு ஸம்பது  
 ஸபூ<sup>4</sup>தி பூ<sup>4</sup>தி ஸம்பது  
 வஸு ரை பா<sup>4</sup>க்<sup>3</sup>கி<sup>3</sup> நிர்வாகு  
 ஸுவு ஸ்ரி ஸ்ரி ஹன்னவு.
2. பொவ்ஸு ஸெந்த வராநாவு  
 ஜ<sup>2</sup>ஞ்ஜு மென்னாவு கா<sup>3</sup>முனும்  
 விஸ்தௌ ஸராகெ ஹேன் மென்னெ  
 ஸிஸ்பன் ஸங்கா<sup>3</sup>கெ வெளல் மெனன்.

## 6. பூமத்<sup>3</sup>ப<sup>4</sup>க<sup>3</sup>வத்<sup>3</sup> கீ<sup>3</sup>தொ

1. கொ<sup>2</sup>ப<sup>3</sup>பொ<sup>3</sup> கொ<sup>2</sup>ப<sup>3</sup>பொ<sup>3</sup> தெ<sup>4</sup>ருமுன்னெ  
 ஏடும் ஹோய்ஜாய்கி பா<sup>4</sup>ரத !  
 உச்சஸ்தா<sup>2</sup>னமத<sup>4</sup>ர்முகோ<sup>2</sup>ய்  
 தெ<sup>2</sup>ப<sup>3</sup>பொ<sup>3</sup> மீ<sup>3</sup>யடுஜன்னொவு .
2. ஸாது<sup>4</sup>னுக் கபட<sup>3</sup>ஸ்தக் ஹோய்  
 து<sup>3</sup>ஷ்க்ருதினுக் வினாஸ்கரன்  
 த<sup>4</sup>ர்மு ஸம்ஸ்தா<sup>2</sup>பனே கர்னீகு<sup>3</sup>ஜ்வு  
 த்யே த்யே யுகு<sup>3</sup>ம்முமீ.
3. தி<sup>3</sup>வ்யஜன்மு கரும்மொய்ரெ  
 நிஜமிஸொ களய்யதி  
 ஸரீர்ஸொட்<sup>3</sup>டி<sup>3</sup> ஜெலும் பீ<sup>2</sup>ரு க<sup>2</sup>ண்ணு  
 பொந்தை<sup>3</sup> மொகோ அர்ஜுன.



## ஸௌராஷ்ட்ர வ்யாகரணம்

பா<sup>4</sup>ஷொ மென்தொ அபுல் மொன்னும் ஸேத்தெ  
லௌகாஸுன் ப<sup>4</sup>ராட<sup>3</sup>ல்லி ஒஜனாகு வத்தஹால்தி  
லிக்கினிஹால்தி ஜனட<sup>3</sup>த்திஸானுகெ.

ஸௌராஷ்ட்ர வ்யாகரணம் மென்தொ ஸௌராஷ்ட்ர  
பா<sup>4</sup>ஷொ மந்து நீத்தொ லிக்கத்தக்கினி வத்த  
கெரத்தக்கினி உபயோகு<sup>3</sup> ஹொய்யவத்திஸானு ஒண்டொ  
ஸாஸ்தரு.

ஸப<sup>3</sup>து<sup>3</sup>ன் நாமவாசி, ப<sup>3</sup>த்<sup>3</sup>னவாசி, கு<sup>3</sup>ணவாசி,  
க்ரியாவாசி, புகர்வாசி, நிகர்வாசி, தீ<sup>4</sup>டவாசி பை<sup>2</sup>லாதி<sup>3</sup>  
ஹொய்யனு ரி:யெஸி.

நாமவாசி — மென்க்யானு, மூகு<sup>3</sup>னு அங்கு<sup>3</sup>ன்  
வஸ்து நநாவுன் ஸங்க<sup>3</sup>த்திஸானுகெ. (பெயர்ச்சொல்)  
(உதா<sup>4</sup>ரணம்) - ரஜொ, ராணி, கொ<sup>4</sup>டொ<sup>3</sup>, பீ<sup>4</sup>து.

ப<sup>3</sup>த்<sup>3</sup>னவாசி — ர : த் த நாவுனு கு பொ<sup>3</sup>து<sup>3</sup>லு  
அவத்திஸானுகெ. (பிரதிப்பெயர்ச்சொல்)

(உ—ம்) எனொ, தெனொ, ஈ, தீ

கு<sup>3</sup>ணவாசி — நாவுனுகு (நாமவாசி, ப<sup>3</sup>த்<sup>3</sup>னவாசி)  
கு<sup>3</sup>ண்ணுன் ஜனட<sup>3</sup>த்திஸானுகெ. (பெயருரிச் சொல்)

(உ—ம்) சொக்கட்<sup>3</sup> பெ<sup>3</sup>ட்கொ, ஹுஜான் பூ<sup>2</sup>லு

க்ரியாவாசி — நாமவாசிக்கு, ப<sup>3</sup>த்<sup>3</sup>னவாசிக்கு க்ரியொ  
தெ<sup>3</sup>க்கட<sup>3</sup>த்திஸானுகெ. (வினைச்சொல்)

(உ—ம்) ஆவி, ஜா, சலரெஸி, ஸியெஸி, ர:வு

புகர்வாசி — க்ரியானு கு<sup>3</sup>ண்ணுன் ஜனட<sup>3</sup>த்திஸா-  
னுகெ. (வினையுரிச்சொல்).

(உ—ம்) ஸெணம் ஜா.ஹ்ரு கா<sup>2</sup>,



நிக்ரவாசி — தீ<sup>3</sup>வத் தானுக் தீ தீ<sup>3</sup>வாக்யமுனுக் தீ  
ஸம்ப<sup>3</sup>ந்த<sup>4</sup>ம் கெரத்தெ வத்தோஸி நிக்ரவாசி. (இடைச்  
சொல்). (உ-ம்) மீகின்தூ, ஸௌராஷோகு யத்தன்ஸே;  
மிகி அதி<sup>3</sup>ஷ்டுநீ : — அங்கு<sup>3</sup>ன், தெ<sup>2</sup>ப்<sup>3</sup>பி<sup>3</sup>கு,  
கொ<sup>2</sup>ப்<sup>3</sup>பொ<sup>3</sup>, தெ<sup>2</sup>ப்<sup>3</sup>பொ<sup>3</sup>.

தீ<sup>4</sup>டவாசி — ஸு<sup>3</sup>க<sup>2</sup>து<sup>3</sup>க்குநா:ல் மொன்னும்  
நி கு ள த் தி ஸ ர னு வத்தானுகு தீ<sup>4</sup>டவாசி மென்னாவு.  
(ஸிபப்புச் சொல்) (உ-ம்) ஹா! மொகொ து<sup>3</sup>க்காரேஸி.  
ஹோ! ஹோ! தெனஹா?

லிங்கு<sup>3</sup> (பால்) தீ<sup>2</sup>ன் வித<sup>4</sup>ம் ஹோஸு. த<sup>3</sup>ல்லிங்கு,  
அள்ளிங்கு<sup>3</sup>, அங்கு<sup>3</sup>ன் ப<sup>3</sup>ள்ளிங்கு.

த<sup>3</sup>ல்லஜாதி கு த<sup>3</sup>ல்லிங்கு<sup>3</sup> (பும்லிங்கு<sup>3</sup> - புல்லிங்கு<sup>3</sup>)  
மென்னாவு. (ஆண்பால்) (உ-ம்) ரஜோ, ராமொ, பெ<sup>3</sup>ட்கொ

பை<sup>3</sup>ல்லஜாதி கு அள்ளிங்கு<sup>3</sup> (ஸ்தீ<sup>3</sup>லிங்கு<sup>3</sup>) மெனிநாவு.  
(பெண்பால்) (உ-ம்) ராணி, ஸீதொ, பெ<sup>3</sup>ட்கி .

த<sup>3</sup>ல்லஜாதி, பை<sup>3</sup>ல்லஜாதிகள் நீ:னாத்தெ அஸ்கி  
ப<sup>3</sup>ள்ளிங்கு<sup>3</sup> (நபும்ஸகலிங்கு<sup>3</sup>) ஹோஸு. (ஒன்றன்பால்,  
பலவின்பால்) (உ-ம்) திவி, குடொ<sup>3</sup>, குடி<sup>3</sup>, சிடி<sup>3</sup>.

வசனு (எண்) ஏகவசனு, ப<sup>3</sup>ஹு வசனு மெனி  
தீ<sup>3</sup> வித<sup>4</sup>ம்கன் ஸே.

ஒண்டெமெனிக்கு களட<sup>3</sup>த்தெ ஏகவசனு. (ஒருமை)  
(உ-ம்) கீஷ்டு, கா<sup>3</sup>யி, மீ, தூ.

ஒண்டெஸொம்மர் வேன் ஸேத்தெ களட<sup>3</sup>த்தெ  
ப<sup>3</sup>ஹு வசனு. (பன்மை) (உ-ம்) கீஷ்டுனு, கா<sup>3</sup>யினு,  
அமி, துமி, தெனு.

புருஷு (இடம்) மென்தோ வாசி மென்னிபொட<sup>3</sup>த்திஸா  
தா<sup>2</sup>மு.

அபுலு கு உத்தமபுருஷு மெனி நாவு. (தன்மை)  
(உ-ம்) மீ கா<sup>2</sup>ரெஸி; அமி கா<sup>2</sup>ரியாஸி.

தி<sup>3</sup>வொமெனிகு (வெது<sup>3</sup>ர்ஸீ வத்தகெரத்தெகொ)  
மத்<sup>3</sup>யமபுருஷு மெனிநாவு. (முன்னிலை) (உ-ம்) தூ கா<sup>2</sup>ரெஸி.  
துமி கா<sup>2</sup>ரியாஸி.

தி<sup>2</sup>ன்வமெனிகு தெ<sup>4</sup>ரிவத்தொ கெரெதி தெகொ  
தத்தமபுருஷு மெனி நாவு (படர்க்கை) [உ-ம்] தெனோ  
கா<sup>2</sup>ரெஸி; த்யொ கா<sup>2</sup>ரெஸி.

விப<sup>4</sup>க்தி [வேற்றுமை] - க்ரியான் ஸரதி நாவுன் ஸரதி  
மிளி ரா:த்தெ<sup>2</sup>ப்<sup>3</sup>பொ<sup>3</sup> ஸப்<sup>3</sup>த<sup>3</sup>ருபுன் அர்து<sup>2</sup>மு  
பே<sup>4</sup>து<sup>3</sup>ன் ஹொய்னு ரா:த்திஸானுகெகு விப<sup>4</sup>க்தி  
மென்னாவு.

வர்ணகு [உருபு] மென்தொ ஸப்<sup>3</sup>து<sup>3</sup>ன் ஸெந்தாபாடி  
ருபு பே<sup>4</sup>து<sup>3</sup>ன் மிளத்திஸானு விபினுகு நாவுன்.

பை<sup>2</sup>லவிப<sup>4</sup>க்தி - [முதல் வேற்றுமை] கர்த, காரகொ  
ஜனட<sup>3</sup>த்திஸானுகெ. [உ-ம்] ஸாதா<sup>4</sup>ரண நாவு-ராமொ,  
கிஷ்னோ, ஜானகீ.

தி<sup>3</sup>வொ விப<sup>4</sup>க்தி (2ம் வேற்றுமை) - கு, கொ, தெ<sup>4</sup>ரி  
[உ-ம்.] ராமாகு. மொகொ, அங்கொ, தொகொ,  
எகொ, ஸீதா தெ<sup>4</sup>ரி.

தி<sup>2</sup>ன்வ விப<sup>4</sup>க்தி (3ம் வேற்றுமை)-ஹாலி, ஸர, ஸரொ,  
ஸெரொ, ஸெங்கோ, ஸெந்தொ, ஸோரு.

[உ-ம்] மொரொஹாலி, மொர்ஸர, மொரொஸெரொ  
மொரொஸெங்கொ<sup>3</sup>, ராமொஸெங்கொ<sup>3</sup>, ராமா-  
ஸெந்தோ, மொர்ஸோரு.

சர்வொ விப<sup>2</sup>க்தி [4ம் வேற்றுமை] கு, கொ, வன்னோ  
[உ-ம்] அங்கொ, மொகொ, நாராயணவன்னோ,  
ராமாகு, தெகொ, எகொ, தொகொ.

பஞ்ச்வொ விப<sup>4</sup>க்தி (5ம் வேற்றுமை) தொகொ, தொகன்  
பி:னு, லெங்கொ<sup>3</sup>, லெந்தொ, ஸொம்மரு

ஒளதகாலு—உத்தமபுருஷு

த <sup>3</sup> ல்லிங்கு <sup>3</sup>	ஸாதா <sup>4</sup> ரண	மீ ஜவு
ஏகவசனு	அபூர்ண	.. ஜிலேது ர:வு
அள்ளிங்கு <sup>3</sup>	பூர்ண	.. ஜீர:வு

த <sup>3</sup> ல்லிங்கு <sup>3</sup>	ஸாதா <sup>4</sup> ரண	அமி ஜவ்வெ
ப <sup>3</sup> ஹுவசனு	அபூர்ண	.. ஜிலேது ர:வ்வெ
அள்ளிங்கு <sup>3</sup>	பூர்ண	.. ஜீ ர:வ்வெ

ஒளதகாலு—மத்<sup>3</sup>யமபுருஷு

த <sup>3</sup> ல்லிங்கு <sup>3</sup>	ஸாதா <sup>4</sup> ரண	தூ ஜாயி
ஏகவசனு	அபூர்ண	.. ஜிலேது ரா:யி
அள்ளிங்கு <sup>3</sup>	பூர்ண	.. ஜீ ரா:யி

த <sup>3</sup> ல்லிங்கு <sup>3</sup>	ஸாதா <sup>4</sup> ரண	துமி ஜானு
ப <sup>3</sup> ஹுவசனு	அபூர்ண	.. ஜிலேது ரா:னு
அள்ளிங்கு <sup>3</sup>	பூர்ண	.. ஜீரா:னு

ஒளதகாலு—தத்தமபுருஷு

த <sup>3</sup> ல்லிங்கு <sup>3</sup>	ஸாதா <sup>4</sup> ரண	தெனே ஜாயி
ஏகவசனு	அபூர்ண	.. ஜிலேது ரா:யி
அள்ளிங்கு <sup>3</sup>	பூர்ண	.. ஜீரா:யி

த <sup>3</sup> ல்லிங்கு <sup>3</sup>	ஸாதா <sup>4</sup> ரண	தெனு ஜானு
ப <sup>3</sup> ஹுவசனு	அபூர்ண	.. ஜிலேது ரா:னு
அள்ளிங்கு <sup>3</sup>	பூர்ண	.. ஜீ ரா:னு

ஏகவசனு                      ஸாதா<sup>4</sup>ரண                      தே, த்யோ ஜாயி  
 ப<sup>3</sup>ள்ளிங்கு<sup>3</sup>                      அபூர்ண                      ,, ஜிலேதுராயி  
 ப<sup>3</sup>ஹுவசனு                      பூர்ண                      ,, ஜீராயி

க்ரியானு                      பா<sup>4</sup>வக்ரியொமெனி                      வ்யதிரேக                      க்ரியொ  
 மெனி ஹோஸு

பா<sup>4</sup>வக்ரியொ                      மெந்த க்ரியா                      ர:வாஸு                      ஜனட<sup>3</sup>த்-  
 திஸானுகெ (உடன்பாடு)

வ்யதிரேக                      க்ரியொ                      மெந்த                      ர:வாஸு  
 விரு<sup>3</sup>த்த<sup>4</sup>                      ஹோய்யவத்திஸானுகெ.                      (எதிர்மறை)

பா<sup>4</sup>வக்ரியொ

வ்யதிரேகக்ரியொ

ஹாயி	—	நா:
ஸே	—	நீ:
ராயி	—	ரா:னா
ஜுடை <sup>3</sup>	—	ஜுண்ணா
அவுஸு	—	அவுனி
அவ்வெனி	—	அவ்வெனி
அவை	—	அவ்னா, அவுனா (ஒளனா)
அவன்	—	அவ்னான், [ஒளனான்]
அவெனி	—	அவெனி
அவினி	—	அவினி
அவந்த <sup>3</sup> கு	—	அவன்னொக்கொ
அவி ரா:ந்தகு	—	அவ்னாத்தொ ரா:ந்த <sup>3</sup> கு (அவி ரா:ன்னொக்கொ)
அவாஸி	—	அவாஸி
அவாஸு	—	அவாஸி
அவாயி	—	அவானா
அவவாயி	—	அவ்வானா

அவ்னெ (ஒளனெ)	—	அவனெ நீ: (ஒளனெ நீ:)
அவி ர:னெ	—	அவ்னாத்தொ ர:னெ (அவி ரா:ன்னெக்கொ)
ஆவி	—	அவ்னெகொ (ஒளனெகொ) அவுனெகொ
அவஸுன்	—	அவனின்

### புஸ்னி ஸப்<sup>3</sup>து<sup>3</sup>ன் —

காயொ, காயி; கோனு, கோடு, கொ<sup>2</sup>ப்<sup>3</sup>பொ<sup>3</sup>, கிஸொ,  
கோனகு, கொகொ, கோன்யொ, கொமொ, கொங்கொ,  
கொகொருர்ச்சி, கொங்கொ ருர்ச்சி, கித்தொ, கித்தயொ,  
கோஸ்தா<sup>4</sup>னுகு பை<sup>2</sup>லாதின.

### புஸ்னி வாக்யுன்

(உ-ம்) தெல்யொ காயொ? தெனெ காயி கெரரேளி?  
தூ கோட் ஜாரியொ? எனெ கோனு?  
தூமி கொங்ககு ஸாரியொ? துங்கொ கித்தொபஜெ?  
தெமொ/தெமாக்/தெமாம் கித்தயொ ஸே?  
தூ ஜியெஸா? தூமி ஜியாஸா?  
தூஜியெஸா? தூமிஸியாஸா?  
தெனெ அவெஸா? தெனு அவாஸா?  
தெகொ அ<sup>3</sup>பெ<sup>3</sup>ஸ்கீநா: ?  
தெனெ கை<sup>2</sup>திரியொகீநா: ?  
தூ கிஷ்னெஹா?  
தூ கிஷ்நா: ஹா?  
தூ அவஸ்கீ, ஜாஸு?

இத்யாதி<sup>3</sup>ன்.

## ஸப் தரீதுன்

அங்கு <sup>1</sup> ன்	இன்னும், மேலும்	ஏடா <sup>2</sup> ம்	இவ்விடத்தில்
அது <sup>3</sup> ஷ்டு	அதிர்ஷ்டம்	ஏட்டா <sup>2</sup> ம்	—
அபுல்	தன்னுடைய, தம்முடைய	ஐஸ்ஸவர்யு	செல்வம்
அபல்லானும்	தன்னில், தம்மில்	ஒஜனாகு	ஒருவருக்கு
அர்ச்சனா	அர்ச்சனை	ஒளமான்	அவமானம்
அவ்னா	வராது, வரமாட்டான்/ன்	கஞ்ஜி	புளித்தநீர்
அவய்	வரும் வருவான்/ள்	கந்தொ <sup>3</sup>	வெங்காயம்
அஸ்ஸவக்ரது	அசுவமேதயாகம்	கபட <sup>3</sup> ஸ்தக்	காபாற்றுவதற்கு
இக <sup>3</sup> த்தெங்கோ	படிப்பவர்களுக்கு	கபாடி <sup>3</sup>	காப்பாற்று
இந்த <sup>3</sup> ரு	இந்திரன்	கரன்	செய்வார், செய்வதற்கு
இஸா	இப்படி	கரும்	செயல், கடமை, காரியம்
உச்ச	மேல்	கரெ	உருப்படியான, செய்த, கடமை
உஜன்ஷெஹாவு	பிறப்பேன்	கர்தொ	எழுவாய், செயலாற்று-பவன்
உஜாடி <sup>3</sup>	பிறக்கச்செய்	கர்னீகு	செயலுக்கு, செய்கைக்கு
உஜை	பிறக்கும், பிறப்பாய்	கலம்	செய்வதற்கு
உஜஜெமன்	சிறந்த விருந்து		—
உன்னொ	குறைவு, குறை		—
உப்காரு	உபகாரம், உதவி		—

கஸ்தந்து <sup>3</sup>	பச்சரிசி	கொ <sup>3</sup> ருதா <sup>3</sup> த்	—	எருமைப்பால்
களய்யதி	தெரிநதுவிட்டால்	கொ <sup>3</sup> வ்வளா,	—	இடையன்
காரகொ	செயலன், காரண	கொ <sup>3</sup>	—	வெறுமனே, சும்மா
காலு	மானவன்	கொ <sup>3</sup> ரு	—	உலகம், உருண்டை
கிஸா	காலம், சந்தர்ப்பம்	கொ <sup>3</sup> னி	—	பாட்டு, பாடுதல்
கெர்லஸுன்	எப்படி, எவ்வாறு	க <sup>4</sup> ல்தொ	—	விதைக்காமல், பரிமாரு
கை	செய்துகொள்வார்கள்			மல்
கோன்	எதுவும், ஒன்றும்	க <sup>4</sup> ல்லி	—	அணிந்னகொண்டு,
க்ரது	யார்			பரிமாறிக்கொண்டு
க <sup>2</sup> ட <sup>3</sup> ஸ்தெ	யாகம்	கொ <sup>4</sup> டொ <sup>3</sup>	—	குதிரை
க <sup>2</sup> ண்ணை	வாங்குவது	கொ <sup>4</sup> ம்மொ	—	வீட்டில்
கை <sup>2</sup>	வாங்கமாட்டான்/ள்	சொக்கட் <sup>3</sup>	—	நல்ல, நன்றாக
கொ <sup>2</sup> ப <sup>3</sup> ப <sup>3</sup> மு	சாப்பிட்டு	ஜன்மு	—	ஜன்மம், பிறப்பு
க <sup>3</sup> ரன்	எப்பொழுதும்	ஜாரியாணி	—	போகிறார்கள்
கா <sup>3</sup> தே <sup>4</sup> யு	பெருமை, புகழ்	ஜாஸ்தெ	—	போவது
கா <sup>3</sup> யி	விஸ்வாமித்திரர்	ஜிவேத்	—	வாழ்ந்தால்
கா <sup>3</sup> ரிரு	பசு	ஜுட் <sup>3</sup> த்திஸா	—	கிடைக்கும்படி
கா <sup>3</sup> ரிஜேஹாரு	உலகில், பெருமையுடன்	ஜுண்ண	—	இல்லை, கிடைக்காது
கு <sup>3</sup> ண்ணு	உலகில், பெருமையுடன்	ஜுன்ன	—	பழைய
	குணம்			



ஜெஜும்	பிறப்பு, ஜன்மம்	தெ <sup>2</sup> ப் <sup>3</sup> பொ <sup>3</sup>	அப்பொழுது
ஜோகே <sup>3</sup> த்	நிறுத்தால்	த <sup>3</sup> மர் <sup>2</sup> பூ <sup>2</sup> ல்	தாமரைப்பூ
ஜோகு <sup>3</sup> ம்	தராசில், நிறுவையில்	த <sup>3</sup> ய	கருணை
ஜ <sup>2</sup> ஞ்ஜு	காற்றுடன் கூடிய மழை	தி <sup>3</sup> ய்யொர்	இரண்டு
தீர்த்து	தீர்த்தம்	தி <sup>3</sup> வ்ய	அழகிய, சிறந்த
துர்னி	நுழைவு	து <sup>3</sup> க்குமு	துன்பத்தில்
தெகஹால்	அதனால், அவனால்/ளால்	து <sup>3</sup> ஷ்க்ருதினு	கெட்ட செய்கை
தெகொ	அதற்கு, அவனுக்கு/	து <sup>3</sup> ஸ்ர	வேறு
தெங்கோ	அவைகளுக்கு, அவர்	து <sup>3</sup> த்	பால்
தெந்தூ <sup>3</sup> ஸ்	களுக்கு	தை <sup>3</sup> வத்தன்	கடவுட் கிருபை
தெளிவ்	அன்று,	த <sup>4</sup> ன்யுடு <sup>3</sup>	அதிர்ஷ்டம்
தொகன்	தெளிந்த, தெளிவு	தா <sup>4</sup> க்	பாக்கியவான்
தொர	புத்தியுள்ள, புத்தி	தா <sup>4</sup> டி <sup>3</sup>	பயம்
த்யே	இருந்து	தீ <sup>4</sup> ரு	அனுப்பு
தீரிஸனி	உன்னுடைய	தெ <sup>4</sup> ரும்	தீரன், வீரன்
தா <sup>2</sup> மு	அந்த	நர்க <sup>2</sup> னி	தருமம்
	முக்கண்ணன், சிவ		மனிதரைச் சாப்பிடு
	பெருமான்		பவன்/பவன் அரக்கன்
	இடம்	நிச்ச	அரக்கி
			தினமும்

நிஜம்	உண்மை	ப்ரப <sup>3</sup> லா	பிரபலமானவன்
நிஜானந்து	உண்மையான இன்பம்		பெயர்சிபற்றவன்
நிபூ <sup>3</sup> ஸ்	ஸத்தியவான்	பி <sup>2</sup> ரி	திரும்பி, மறுபடியும்
நிம்மள்	உண்மை பேசுபவன்	பி <sup>2</sup> ல்லி	உடுத்திக்கொண்டு
நிர்வாகு	நிம்மதி, நல்லது	பி <sup>2</sup> ரு	மீண்டும்
நா:நகீ	நிர்வாகம்	பு <sup>2</sup> ர்னா	போதாது
	இல்லையா, இல்லை	பூ <sup>2</sup> ல்	பூ, மலர்
	யல்லவா	பை <sup>2</sup> லாதி	முதலியன
நீ:	இல்லை	ப <sup>3</sup> ர	நல்லது, நன்று
நீ:த்தொ	இல்லாமல்	பி <sup>3</sup> ஸிரிஸ்தெ	உட்கார்ந்து இருக்கிறாள்
படி <sup>2</sup> னி	படிப்பு	பி <sup>3</sup>	விதை
பத் <sup>3</sup> யம்	செய்யுள்	பு <sup>4</sup> ண்ணி	முழுக்கு, நீராடல்
பாபு	பாபம்	பொ <sup>3</sup> து <sup>3</sup> லு	பதிலாக
புஜான்	பூஜைகள்	பொ <sup>3</sup> லா	அழைத்துக் கொள்வேன்
புஸனி	விஷ்ணு, காக்கும்	ப <sup>4</sup> க்துனு	பக்தர்கள்
	கடவுள்	ப <sup>4</sup> ஜ்ஜிதீ	கீரையாவது
புஸ்னி	கேள்வி	ப <sup>4</sup> ராட <sup>3</sup> ல்லி	வெளிப்படுத்தி,
பொநந்த <sup>3</sup>	அடைவான்		வெளிக்கொண்டுவந்து
பொவ்ஸு	மழை	பா <sup>4</sup> க் <sup>3</sup>	பாகம், பிரிவு

பா <sup>4</sup> க் <sup>3</sup> கி <sup>3</sup>	செல்வம், கொடுப்பினை	மெனிக்யத்தன்	—	உழைப்பு, உழைப்பு
பா <sup>4</sup> ரத	பரதேசத்தவன்	—	—	மனித முயற்சி
பி <sup>4</sup> கு <sup>3</sup>	பிச்சை, யாசகம்	மெனெதி	—	என்றால்
பு <sup>4</sup> ளி	பூமி	மென்க்பானு	—	மனிதர்கள்
பூ <sup>4</sup> தி	செல்வம்	மென்தி	—	என்று சொல்லிவிட்டு
பெ <sup>4</sup> ள்	மீக, அதிக	மென்தொ	—	என்பது
பொ <sup>4</sup> ப் <sup>3</sup> ளொ	சுரைக்காய்	மெள்ளொ	—	கூட
பொ <sup>4</sup> வே	அதிகமான, மிகுதி	மேட்	—	சிறந்த
மதி	யான	மைனாத்தோ	—	கேட்காமல்
மந்து	அறிவு, மதி	மொகாமு	—	என்னுள், எனக்குள்
மந்த <sup>3</sup> ம்	தவறு, தப்பு, கசடு	மொகொ	—	எனக்கு, எத்தனை
	கொழுப்புச்சதது, மந்த	மொன்னும்	—	மனதில்
	நிலை, மாந்தம்	மொய்ரெ	—	என்னுடைய
மாயி	தாய், அம்மா	மொர்	—	என்னுடைய
மிளொ	கூடிய, சேர்ந்த	மோக்ஷி	—	மோட்சம்
முளொ	முள்ளங்கி	மோஸ்	—	மோசம்
முக <sup>3</sup> னு	மிருகங்கள்	யாகு <sup>3</sup>	—	யாகம்
மெகி	ஆனால்	யுகு <sup>3</sup>	—	யுகம்
மெனி	என்று	யைதி <sup>3</sup> கு	—	இதை இவ்வாறு செய்ய

ரக்ஷிவேன்	—	காப்பதற்கு	—	வினாஸ்	—	அழிவு
ராட்	—	அரசன்	—	விபூதி	—	செல்வம், மகிமை
ரை	—	செல்வம்	—	விஸ்தென	—	நெருப்பு
ரத்த	—	உண்மையான	—	விஸ்தவ்	—	வேதங்கள்
ராஸு	—	இருக்கும், இருப்பான்/ள்	—	வேதுன்	—	வாடைக்காற்று
ரெய்	—	இருந்து	—	வெளல்	—	இலக்கணம்
லானி	—	பரவாயில்லை	—	வ்யாகரணு	—	ஒலி, சொல்
லிக்கினி	—	எழுதுதல்	—	ஸப்து <sup>3</sup>	—	நூறு
லைடா <sup>3</sup>	—	கம்பு, விறகு	—	ஸம்	—	நூறு பாட்டுக்களடங்கிய
லொஸன்	—	வெள்ளைப்பூண்டு	—	ஸம்பு	—	நூல்
லௌகாஸுன்	—	நிலைமை, நடப்பு	—	ஸாஸ்திராத் <sup>3</sup> ன்	—	சாத்திரங்கள்
லௌநி	—	பூசுதல், நாமம் இருதல்	—	ஸில்பன	—	குளிர்ச்சி, குளிர்
வத்தொ	—	வார்த்தை, சொல்	—	ஸேத்தெகொ	—	இருப்பதற்கு இருப்பவ
வந்தி <sup>3</sup> ன்	—	வணங்கி	—	ஸைலு	—	னுக்கு இருப்பவளுக்கு
வர்க <sup>2</sup> னி	—	காற்றைச் சாப்பிடும்	—	ஸங்கே <sup>3</sup> ன	—	பார்த்துக் கொள்ளேன்
வஸு	—	ஜந்து, பாம்பு	—	ஸத்	—	சொன்னேனே
வஸ்தர்	—	செல்வம், வசிப்பேன்	—	ஸத்தம	—	சிறந்த, உயர்ந்த
வஸ்துனு	—	ஆடை, வஸ்திரம்	—		—	சிறந்தவன், உயர்ந்த
வித் <sup>3</sup> யானு	—	பொருட்கள்	—		—	வன்
	—	கல்வி, கலைகள்	—		—	

ஸ்தா <sup>3</sup>	—	எப்பொழுதும்	ஸெணம்	—	சீக்கிரம்
ஸப <sup>2</sup> லூ	—	பலனுள்ளதாக, வெற்றி யுள்ளதாக பூர்த்தி	ஸெத்து ஸெந்தொ	—	உண்மை
ஸமான் <sup>1</sup>	—	சமானமா, நிகரா	ஸெரீர்	—	உடன்
ஸம்பது	—	செல்வம், சம்பத்து	ஸெவகா	—	உடல்
ஸம்மரி	—	விகான்று	ஸொகன்	—	முருங்கை
ஸம்ஸ	—	சந்தேகம்	ஸொடே <sup>3</sup> த்	—	போல
ஸம்ஸ்தா <sup>2</sup> பனா	—	நிலை நிறுத்தல்	ஸொட் <sup>3</sup> டு <sup>3</sup> வோ	—	விட்டு விட்டால்
ஸஸர்	—	ஆயிரம்	ஸொம்மரு	—	விட்டு விடுங்கள்
ஸஸ்யெயர்	—	தானியம்	ஸொம்மு	—	முன்னால், காட்டிலும்
ஸாக்ஷி	—	சாட்சி	ஸோரு	—	நகை, ஆபரணம்
ஸாது <sup>4</sup>	—	சாது, அப்பாவி, முனிவர் சந்நியாசி	ஸ்தா <sup>2</sup> னம்	—	உடன்
ஸரின்	—	செல்வங்கள்	ஸரமொ	—	இடம், நிலை
ஸு	—	சிறந்த, அழகிய, நல்ல	ஹக <sup>3</sup> மு	—	சிரமம், உழைப்பு
ஸுக <sup>2</sup> மு	—	சுகம், இன்பம்	ஹட்வினி	—	ஆணவம்
ஸுது <sup>3</sup> ன்	—	அறிவாளிகள்	ஹந்த <sup>3</sup> னாஸ்	—	எண்ணி, நினைத்து
ஸுருனு	—	தேவர்கள்	ஹந்தொ <sup>3</sup>	—	சமைக்கவே
ஸுவு	—	செல்வம், தேவலோகம்	ஹந்தவ்	—	சமையுங்கள்
ஸெஜ்ஜெ	—	அடுத்த, பக்கத்து	ஹள்வ	—	பணம் செல்வம்
	—		ஹள்ளு	—	இலேசு
	—			—	மெதுவாக

ஹாலிம்  
ஹிந்தொஸ்  
ஹிரானு  
ஹிரோ  
ஹீர்னா  
ஹுஜாள்  
ஹேன்

ஆகையால்  
இன்று  
தடாகங்கள்  
தடாகம், குளம்  
கிணறுகள்  
வெளிச்சம், அறிவு  
அனல்காற்று

ஹொடை  
ஹொல்லோ  
ஹொங்கு  
ஹொனா  
ஹொய்  
ஹொராஜா  
ஹொரியாஸி

வளநுக்  
மேலே  
தூக்கம்  
ஆகாது  
ஆகும்  
ஓ, அரசனே  
ஆகின்றார்கள்

## அஜுனு

புஷ்பபரிபுஷ்ப  
அ ஆ இ ஈ உ ஊ ப் ப் ஸ்

புஷ்பபரிபுஷ்பம்  
ஸ்ர எ வ ஊ ஒ ஷ அம் அம்



# ஒய்

ஒய் ஒய் ஒய் ஒய் ஒய்

௧ ௧<sup>2</sup> ௧<sup>3</sup> ௧<sup>4</sup> ௧

௧ ௧<sup>2</sup> ௧<sup>3</sup> ௧<sup>4</sup> ௧

௧ ௧<sup>2</sup> ௧<sup>3</sup> ௧<sup>4</sup> ௧

௧ ௧<sup>2</sup> ௧<sup>3</sup> ௧<sup>4</sup> ௧

௧ ௧<sup>2</sup> ௧<sup>3</sup> ௧<sup>4</sup> ௧

௧ ௧<sup>2</sup> ௧<sup>3</sup> ௧<sup>4</sup> ௧

௧ ௧<sup>2</sup> ௧<sup>3</sup> ௧<sup>4</sup> ௧

௧ ௧<sup>2</sup> ௧<sup>3</sup> ௧<sup>4</sup> ௧

௧ ௧<sup>2</sup> ௧<sup>3</sup> ௧<sup>4</sup> ௧

௧ ௧<sup>2</sup> ௧<sup>3</sup> ௧<sup>4</sup> ௧

௧ ௧<sup>2</sup> ௧<sup>3</sup> ௧<sup>4</sup> ௧

௧ ௧<sup>2</sup> ௧<sup>3</sup> ௧<sup>4</sup> ௧

௧ ௧<sup>2</sup> ௧<sup>3</sup> ௧<sup>4</sup> ௧

௧ ௧<sup>2</sup> ௧<sup>3</sup> ௧<sup>4</sup> ௧

௧ ௧

௧ ௧

௧ ௧

௧ ௧

௧ ௧

௧ ௧

௧ ௧

௧ ௧

௧ ௧

௧ ௧

௧ ௧

௧ ௧

௧ ௧

௧ ௧

௧ ௧

௧ ௧

௧ ௧

௧ ௧